



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Generalibus Principiis Amoris Et Morum - Prolegomena septem,  
Librosque undecim complectens

**Henricus, de Sancto Ignatio**

**Leodii, 1709**

Caput VIII. Damnati dogmatis de peccato philosophico, origo, progressus,  
denuntiatio, damnatio.

---

[urn:nbn:de:hbz:466:1-73187](https://nbn-resolving.de/urn:nbn:de:hbz:466:1-73187)

<sup>58</sup> Sed frustrā opponit. Quia ad hoc ut peccatum sit voluntarium, sicut non debet esse volitum formaliter & actū, sed sufficit quod virtualiter & interpretativē: sic non debet esse cognitum formaliter & actū, sed sufficit quod cognitum sit virtualiter & interpretativē. Ad quod necessarium non est dubium, suspicio, vel scrupulus actualis de malitia, vel obligatione inquirendi de illa; sed sufficit quod homo possit & debeat illam cognoscere, culpaque ipsius sit quod hic & nunc non cognoscat, seu non advertat, ut constar ex dictis cap. 4. Nec tunc ignorantia est invincibilis & involuntaria; sed vincibilis, culpabilis & voluntaria. Nec impotens vel necessitas inde consequens, est antecedens voluntatem, sed eam consequens: non proinde involuntaria & inculpabilis, sed culpabilis & voluntaria. Tametsi verò necessitas & impotensia antecedens voluntatem, inculpabilisque & involuntaria, excusat à peccato; non tamen necessitas & impotensia consequens, in quam suā voluntate & culpā peccator incidit, spiritualia negligendo, eaque bona sponte diligendo, quorum dilectionem sequi nata est privatio cognitionis spiritualium. Ad quae si reflexisset Oppositor ille, à Philosophistarum torrente non fuisset abreptus in abyssum dogmatis de peccato philosophico.

## C A P U T VII.

*Argumentum decimum-septimum, petitum ex hoc quod ex opinione illa prodierit dogma damnatum de peccato philosophico.*

<sup>59</sup> **D**ogma illud anno 1669. in suo tract. de conscient. prob. tradidit Terillus n. 77. referendus. Anno verò 1686. mensis Junii, Præside R. P. Francisco Musnierō, in Aula maiore Collegii Divionensis, Societ. Jesu, propugnata sunt Theses Theologicae de peccatis, quarum prima fuit ista: *Peccatum philosophicum, seu morale, est actus humanus disconveniens natura rationali, & recta rationi. Theologicum verò, & mortale, est transgressio libera legis divina. Philosophicum, quantumvis grave, in eo qui Deum vel ignorat, vel a Deo actu non cogitat, est grave peccatum; sed non est offensa Dei, neque peccatum mortale dissolvens amicitiam Dei, neque aeternā pœnā dignum.* Dogma istud, ut jacet, a Alexandro VIII. ut infra damnatum, produisse ex opinione ad formale peccatum requiri cognitionem, seu advertentiam & noritiam actualē malitiæ, constat ex eo quod vel ipse Musnierus ex ea illud deduxerit in Dictatis suis de suo illo dogmate: *Sicut actus humanus numquam est malus, sublatā (actuali) cognitione malitiæ; sic numquam est offensa Dei, si (actus) non agnoscatur esse offensa Dei.* Sed peccatum, quantumvis grave, in eo qui vel Deum ignorat, vel de Deo actu non cogitat, actu non agnoscatur esse offensa Dei. Ergo non est of-

fensa Dei; nec proinde peccatum mortale; dissolvens amicitiam Dei, neque aeternā pœnā dignum. Neque enim dissolvit amicitiam Dei, neque aeternā pœnā dignum est, nisi sit offensa Dei. Supposita veritate majoris quoad priorem partem, quod unque actus humanus numquam sit formaliter malus, sublatā actuali cognitione malitiæ ( quae est ipsissima opinio contra quam disputationis ) totus iste discursus suā sponte fluit; nec ullum in ipso vitium ostendi potest. Igitur positio illa Musnierii, de peccato philosophico, ex dicta opinione, per legitimam argumentationem ab ipso deducatur; de peccato, inquam, philosophico tanquam revera possibili, immo & in nonnullis de facto contingente, uti demonstrabunt exempla cap. 11. prōferenda.

Et propterē sectoribus istius opinionis 60 jure dicimus, cum Augustino l. 2. de adulter. conjug. c. 4. si hoc vos non sentitis, quod illā positione Musnierus docet, equidem positio illa sequitur ad illa quae sentitis. *Mutate ergo antecedentia, si vultis cavere sequentia.* Proinde vel illam vestram corrigite opinionem, quod actus humanus numquam sit formaliter malus, sublatā actuali cognitione malitiæ; vel consequenter dicite (cum Musnierio) actum humanum numquam esse formaliter offensam Dei, sublatā actuali cognitione offensam Dei. Hoc autem dicere non potestis: utpote jam ab Ecclesiā damnatum. Et ideo conformiter ad Ecclesiæ decisionem, sic ab omnibus iam philosophandum est: ad hoc ut actus humanus sit formaliter offensam Dei, necesse non est quod actu cognoscatur vel advertatur offensam Dei. Ergo ut sit formaliter malus, necesse non est quod actu cognoscatur vel advertatur esse malus.

## C A P U T VIII.

*Damnati dogmatis de peccato philosophico, origo, progressus, denuntiatio, damnatio.*

**E**X dictis capite præcedenti facile quisque 61 perspicit, damnati illius dogmatis, seu philosophismi (sic enim vocari jam cœpit) primum parentem non tuisse Divionensem illum Theſifam (maximè cùm in ea tradenda plures ex eadem Societate ipsi prævierint (ut infra videbitur) sed primos parentes ipsius jure censeri tam illos qui principia, ex quibus derivatur, primi tradiderint, scilicet Molinam, Valentiam, Vasquez, Suarez, Meratiū, &c. quām illos qui philosophismum (ante Musnierum) in terminis primi tenuerunt.

Et primum quidem principium ipsius Molina tradidit, dum l. p. q. 2. a. 1. docuit, & primus (quod sciam) docuit, tam rudes & incultos posse aliquos homines esse (immō & populos, uti aperte significat in contextu) ut maxima cum probabilitate affirmare possimus, in eis ignorantiam invincibilem Dei posse reperi. *Quod primō, & secundo, cùm de ignorantia*

rantia ageremus, observavimus. Porro ea ignoratione excusabuntur à peccato infidelitatis, & quod Deum non colant, nec ei honorem debitum exhibent. Ac per consequens etiam quod legibus ipsius non obdiant. Istud enim consequens ex illo antecedente legitime inferunt.

63 Idem principium, post Molinam, docuerunt Trigonus 1. p. q. 2. Arriaga 1. p. disp. 2. sect. 3. Isquierdo disp. 1. n. 165. & 172. Joannes Pontius disp. 2. q. 3. aientes invincibilem Dei ignorantiam, longo etiam tempore posse contingere. Et non solum ignorantiam privatam, id est privationem cognitionis Dei; sed & positivam, id est positivam existimationem, quod non sit Deus, si non per principia intrinseca, saltem per extrinseca, pravam scilicet Athei Doctoris instructionem, de facto admittunt Pontius loco citato conclus. 2. Quiros disp. 14. n. 58.

64 Ex isto vero principio consectorium esse Philosophismum, inde probatur, quod Deum taliter ignorans, multa etiam horrenda possit committere, contra conscientiam remurmantem. Quae, utpote commissa ab eo qui non solum de Deo actu non cogitat, sed & Deum omnino ignorat, non sunt formalis offensa Dei, seu persona dignitatis infinita, cognita quia talis. Et ideo non esse peccata theologica mortalia concedit Arriaga, loco citato, in responsione ad objectionem ultimam. Cum enim sic sibi objecisset: Ergo talis homo, ignorans Deum, non peccabit mortaliter, eumque alium occidat, & putet se male facere. Nam peccatum mortale definitur communiter: dictum, factum, vel concupitum contra legem aeternam Dei. Ille autem legem aeternam ignorat. Ergo non peccat contra illam, licet noscat se contra rationem agere. Respondet hoc modo: De hoc egi in materia de aliis humanis, dixi que talem non promeritur per illud factum paenam aeternam; sed temporalem gravem, ad modum quo à Republica sefficienter punitur furum, quatenus est contra illam, vel virgo, vel suspedio. Nam ratio promerendi panam aeternam solum desumitur ex eo quod aliquis homo, saltem in confuso, noscat se offendere Deum sumum; quod in ignorantia non reperitur: Nec inconveniens est, in tali concedere, eam actionem non esse paenam aeternam dignam, ex ignorantia illa invincibili.

65 Placuit ratio ista Patri Estryx, & ideo in Thesi defensa 23. Julii 1668. Peccatum (inquit) committi potest ab eo qui Deum ignorat invincibiliter, & sic non est formalis offensa Dei, nec meretur paenam aeternam. Quia, ut P. de Jonghe ait in Thesi anni 1671. mortale theologicum... non alia causa illam meretur, quam quod sit malitia infinita. Malitiam vero infinitam ex eo habet, quod sit gravis formalis offensa personae dignitatis infinita, cognita quia talis. Eamdem omnino rationem affert Thesi in Collegio Antuerpiensi defensa in Julio 1675. Sicut & Thesis P. de Bruyn 21. Julii 1687. Et altera anni 1688.

Tom. I.

Ob istam ergo rationem non nisi peccatum 66 philosophicum committi ab eo qui Deum invincibiliter ignorat, docent (cum Arriaga)

P. Estryx, P. Antonius à Burgundia, P. Ignatius de Jonghe, P. de Vos, P. de Reux, P. de Bruyn, in Thesibus quas exhibet secunda denuntiatio novæ haereseos de peccato philosophico art. 1. Docent etiam cum ipsis Jacobus Platelius in Synopsi Cursus Theologici p. 2. c. 3. §. 3. n. 189. ubi sic: *Peccatum, quantumvis rationi graviter repugnans, commissum ab invincibiliter ignorante, aut non advertente Deum esse, aut peccatis offendit, non est mortale. Cum enim nullum, etiam virtuale, & implicitum Dei contemptum includat, stare potest cum charitate perfecta, & amicitia divina. Unde tale peccatum esset quidem grave gravitate philosophica... non tamen theologica, consistente in repugnancia cum lege & bonitate divina. Sicut & Terillus de Conf. probab. q. 11. his verbis: Ex optimorum Theologorum doctrina nullum peccatum theologicum, quo sci- licet ab quo modo separarum a fine ultimo, & meremur penas illas horrendas danni & sensus, committi posse cum invincibili Dei ignorantia, in modo ne absque actuali cognitione, per quam in finita Dei bonitas & maiestas aut explicitè, aut cerè sub terminis cum clariori ejus concep- tis converibilibus, implicitè nobis innescat. Et infra n. 9. Licet convenientia & disconvenien- tia actionis cum natura rationali, quia rationa- lis est, sapientia innotescat antequam quidquam scia- mus de divina voluntate... nihilominus hac convenientia aut disconvenientia... est solum regula... refundens in actionem honestatem aut turpitudinem philosophicam... non theologicam.*

Istis omnibus Author libelli, cui titulus: 67 *Les veritables sentimens des Jesuites touchant le peché philosophique*, adjungit formales pro eodem dogmate textus Martinoni disput. 15. de peccatis sect. 11. Cardinalis de Lugo de Incarnat. disp. 5. sect. 5. & 6. Aldrete disp. 7. de Incarnat. sect. 2. de Bugis l. 3. de Incarnat. c. 5. n. 5. de Rhodes 10. 1. disp. 1. de peccat. q. 1. sect. 1. §. 2. Comptoni Curs. Theolog. to. 1. disp. 89. sect. 4. & disp. 104. sect. 4. Quos inter Martinonus & Rhodus (cum Salas) peccatum philosophicum admittunt ut possibile, de factoque in multis contingens, sicut & Arriaga & Card. de Lugo.

Quibus omnibus in quinta peccati philosophici denuntiatione adduntur P. Becherer, P. Beguin, P. Andry, P. de S. Ligier, P. Beon, & addi poterant etiam P. Surre & P. Regis, qui in diversis respectu Collegiis, Remensi, Lugdunensi, Massiliensi, Cameracensi, & Dolensi, idem dogma in terminis tradiderunt, non ut casum metaphysicum, & moraliter impossibilem, sed ut casum practicè contingentem. Perspicua sunt verba P. Beon. S. Theol. Professoris in Collegio Massiliensi, ubi anno 1689. sic dictavit. *Dico 1°. in omni peccato, etiam materiali, reperitur offensa Dei, quia in eo est quod fiat actio dispiaceus Deo, qua offensa ad-*

Vvvv

veritur, evadit formalis. Hic jam queritur, si utrum aliquando offensa non fiat formalis, seu utrum deinceps de facto aliquando peccatum philosophicum, hoc est actus pravus, & de se displicens Deo, ita tamen ut displicentia ignoretur, sive quia ignoratur Deus, sive quia ignoratur quod peccatum ei displiceat, sive denique quod non attendatur & ipsa displicentia?

Ego dico posse contingere ex triplici illo capite, ut non evadat offensa formalis, fiatque tantum peccatum philosophicum, non pertingens ad malitiam theologicam. 2°. inter Christianos adulteri repia non dari philosophicum tantum; non esse tamen cur negetur dari in aliquibus hominibus, puta pueris, rudibus, sylvicolis, barbaris, &c.

Perspicua etiam sunt verba P. Regis in Collegio Dolensi 1671. aientis: datur peccatum philosophicum. Sicut & P. Surre anno 1687. in Collegio Cameracensi: peccatum philosophicum est possibile.... verisimile est dari defacto peccata philosophica.

69 Secundum damnati dogmatis principium tradidit Valentia disp. 6. p. 1. dum ex eo quod ( secundum ipsum ) Deus & varia legis natura principia invincibiliter forte possint ignorari, conclusit: idolatriam posse, ad aliquid saltem tempus, per ignorantiam invincibilem in aliquo homine ruderiori excusari. Si idolatria possit: & alia utique contra naturae legem horronda, eo instatu, excusari poterunt. Quod expressit Mæratius tr. de peccatis disp. 9. leet. 7. cum dixit, quod principia aliqua universalia legis naturæ, ut sunt bac, non esse furandum, occidendum, adulterandum, Demum esse colendum, parentes honorandos, & similia, et si non possint ignorari invincibiliter toto humana vita tempore, possunt tamen aliquo brevi, immo etiam satis longo. Ignorantiam vero invincibilem legis divinæ à peccato theologicō excusare, non dubitat Mæratius. Et si excusare possit à peccato theologicō, simul & philosophico, ( secundum ipsum, & Valentiam ) à foitiori à theologicō solo. Quo casu dabatur peccatum philosophicum.

70 Tertium ejusdem dogmatis principium tradidit Vasquez 1. 2. disp. 107. c. 3. cum docuit, atque ex dictis n. 10 primus, vel ex primis docuit, nullum esse mortale peccatum, in voluntatis consensu, nisi cogitatio aliqua præcesserit, & consideratio expressa ( quam vocant actualē ) malitia mortalis, vel periculi, vel saltem expressa aliqua dubitatio, seu scrupulus. Si nihil illorum præcesserit, inconsideratio censetur omnino naturalis, & consensus, quantumvis longo tempore duret, non est peccatum mortale. Et disp. 123. c. 2. Ad peccandum formaliter necessaria est actualis reflexio, seu advertentia & cogitatio, vel saltem actualē dubium, vel scrupulus de malitia actionis. Ex isto namque principio ( quod fecuti sunt Suarez, Sanchez, Lessius, Amicus, Tannerus, Baunius, Arriaga, Oviedo, Card. de Lugo, Palao, Salas, Granadus, Hurtadus, Escobar, Comptonus,

Terillus, &c. ) Musnierus dogma suum datum intulit, hoc modo: Sicut actus humānus numquam est malus, sublatā cognitione malitiae; sic numquam est offensa Dei, si non agnoscatur esse offensa Dei.

Quartum ejusdem principium, est communis sententia Molinistarum, qua dicit, quod defectus, etiam culpabilis, gratiæ sufficientis, in eo qui suā sibi culpā causa est subtractionis ipsius, excusat à peccatis, eo in statu commissis. Cum enim gratia sufficientis Molinistica consistat in pia cogitatione, quā mens cælitus illustratur, piāque affectione, quā voluntas excitatur ad prosecutionem boni, fugamē mali; qui nullam de Deo, vel peccatis, cogitationem habet, & nullo modo apprehendit, amoris Dei, vel contritionis actus sibi ex præcepto exercendos, nullam hic habet gratiam actualem, inquit Annatus in Atnaldum scribens. Quo ex principio ipsem cludit, horum actuum omissione nullum ab ipso peccatum admitti, nec, si damnetur, propterea damnari posse. Quod idem de culpabili commissione dici potest. Enimvero quam habet gratiam actualem, ad fugiendum malum, qui nullam habet mali fugiendi cogitationem?

Porrò si defectus gratiæ actualis, non solū inculpabilis, sed & culpabilis à peccato excusat, non sola ignorantia, seu incogitatio & inadvertentia inculpabilis, sed & culpabilis, si hīc & nunc invincibilis sit, hīc & nunc à formalī peccato theologicō excusat. Quod exp̄resse admittit Sanchez l. 1. Summa c. 16. n. 30. his verbis: Stat ut causa ignorantia fuerit aliquod peccatum, & tamen in se ignorantia sit invincibilis ( excusans proinde à peccato ) .... hinc quamvis causa culpabilis sit, ignorantia erit inculpabilis; adeoque & illud quod ex tali ignorantia sit.

Quod ad inadvertentiam transferens Filiius to. 2. tr. 25. c. 10. n. 316. ad q. sine perjurium cum inadvertentia naturali peccatum mortale, ob confuetudinem pejerandi? Respondet: Probabilis est, non esse peccatum mortale speciale, etiam si operans sit cum habituali effectu ad peccatum.... Nec refert quod inadvertentia oriatur ex prava consuetudine, aut passione. Quia tam passio, quam consuetudo tollit actualē usum rationis, qui necessarius est ad peccandum mortaliter.

Simili modo philophantur Suarez de relig. l. 3. de juram. c. 7. Layman Th. Mor. l. 1. tr. 2. c. 3. n. 6. Escobar tr. 2. exam. 3. c. 6. n. 28. Tamburinus l. 1. in Decalog. c. 1. p. 3. n. 35. ( aiens, committentem peccatum mortale, ex culpabili ignorantia, quā credit solum esse veniale, solum venialiter peccare ) Terillus in reg. mor. q. 63. n. 5. ubi sic: Si ignorantia, olim vincibilis & voluntaria, evadat postea invincibilis, quia jam non est a quo ignorans instrui possum, &c. ( ly & cetera idem addit, quia, ex mente ipsius, idem contingit, dum jam excidit, qua anteā menti occurrerat cogitatio, seu advertentia obligationis ad igno-

rantium depellendam) tunc dicendum est, opus ex tali ignorantia factum esse malum & imputabile, sed non habere peculiarem malitiam moralem, aut imputabilitatem superadditam malitia actus voluntatis, in quo directe vel indirecte fuit volitum, & per quem ignorantia inducta est. Tunc enim (ut ait q. 65. n. 15.) opus non est malum & imputabile in se, & ratione sui, sed solum in causa, in qua ignorantia fuit volita, vel directe, affectando ignorantiam; vel indirecte, negligendo scientiae adoptionem.

75 Dux, ex mente Terilli, ignorantiam, antea vincibilem, postea evadere invincibilem, non solum dum jam non est à quo ignorans instrui possit; verum etiam dum jam excidit, quæ anteā menti occurrerat cogitatio, seu advertentia obligationis ad ignorantiam depellendam. Tum quia ad id significandum addidit voculam, &c. Tum quia dum excidit cogitatio, seu advertentia obligationis ad ignorantiam depellendam, secundum Terillum excidit ista obligatio. Cum nullus, secundum ipsum, teneatur lege, de qua plenissimam hīc & nunc habet ignorantiam, vel inadvertentiam, sive ad quam te teneri hīc & nunc nullo modo advertit. Neque lex, seu obligatio hīc & nunc contemni vel negligi censetur ab eo, qui hīc & nunc nullam de ea cogitationem habet, nec advertentiam. Per solum verò contemptum vel neglegētum obligationis ignorantiam depellendi, ignorantia evadit culpabilis, ut frequenter repetit q. 62. & 65. Ubi n. 13. sic habet: Ignorantiam non aliter voluntariam esse admittimus, ideoque etiam imputabilem, quam si antecedenter aliqua de illius vitatione obligatio menti occurserit, per cuius obligationis contemptum, vel neglegētum, ignorantia culpabiliter incurritur. Si per solum istius obligationis contemptum, vel neglegētum, ignorantia culpabiliter incurritur, per eum solum culpabiliter etiam continuatur. Quæstio-  
ne verò 62. n. 17. ignorantiae malitia pollutionis dicit invincibilem, si nullus umquam scrupulus animum pulaverit de malitia ipsius. Quia, quamvis forte potuit, non tamen debuit vinci. Cum persona illa obligata numquam fuerit ad illam ignorantiam removendam: è quod plenissimam habuerit ignorantiam de omni lege ad talen ignorantiam depellendam obligante. Ecce plenissimam, atque ideo invincibilem censet ignorantiam malitia pollutionis, etiam dum Vinci potuit, si nullus omnino occurserit scrupulus, vel suspicio de lege ad eam vincendam obligante. Quod verum censer, etiam dum ignorantia illa per peccatum inducta fuit. Tertia quippe assertio ipsius q. 65. n. 13. sic habet: Ignorantia à peccato inducta non est voluntaria, ne quidem indirecte, nisi aliqua cogitatio de ignorantia incurrenda præcesserit, sicut & de obligatione vitandi illam, prout ante dixit. Et n. 47. de malis ab illa ignorantia absque actuali malitia advertentia provenientibus dicit, quod non solum non sunt ratione sui mala & impura-

bilia; sed nec ratione illius ignorantiae: quia nec ignorantia illa, nec mala ab illa provenientia, ullatenus fuerunt voluntaria. Et q. 67. n. 14. loquens de beneficiato, qui ludo, aut amoribus impudicis ita implicatur, ut horum recitationem omittat, ex obliuione proveniente ex nimia ista implicatione, dicit quod si eo in statu nullo modo reflectat ad obligationem recitandi horas, nec de illa cogitet, eam incogitantiam hīc & nunc naturalem esse, ac necessariam.... ideoque vere esse invincibilem ac inimputabilem.

Si inadvertentia & incogititia proveniens 76 ex nimia implicatione in amoribus impudicis, equidem naturalis, necessaria, invincibilis & inimputabilis hīc & nunc censetur; idem perpicue dicendum de quacumque inadvertentia & incogititia proveniente ex quocumque peccato personali hominis, v. g. passionibus immoderatis, concupiscentiis, pravis consuetudinibus, vel corruptis habitibus, per quos vel quas ratio impeditur applicare universalia principia quæ noscit, ad particulare operabile. Quæ doctrina si vera sit, nec ipsa Dei divinæque legis incogititia vel ignorantia iis culpabilis erit, quibus similiiter inducta est per pravam consuetudinem, effrænes concupiscentias, passiones & habitus corruptos, impeditores actualem reflexionem, seu advertentiam ad ea rationis naturalis lumina, ad quæ si reflecterent & attenderent, de Deo divinaque lege hīc & nunc cogitarent. Nec mala ex illa incogititia vel ignorantia commissa, erunt Theologicæ mala & imputabilia, pœnâque æternâ digna, nec ratione fui, nec ratione talis incogititia vel ignorantiae. Infinita proinde horrendaque criminis Atheorum, Epicureorum, Barbarorum, ignorantium quod aliqui hominibus à Deo prohibita sint, vel præcepta, sicut & libertinorum, excicatorum, & obduratorum, de legi Dei nihil omnino cogitantum, sed de sola satisfactione passionum concupiscentiarumque surarum (eorum maximè, in quibus impiorum, Epicureorum, vel Atheorum sermones adeò prævaluerunt, sensumque omnem religionis adeò extinxerunt, ut vel credant Deum non esse, vel ipsi de hominibus curam non esse; &, si quando alter senserint, vel cogitarint, sensum illum, seu cogitationem, sicut & cogitationem actualem obligationis ad inquirendam veritatem hīc & nunc nullam habent) per doctrinam illam excusabuntur à formali & mortali offensa Dei, eruntque ad summum peccata philosophica, non theologica. Quod horrorem piis incutit auribus.

Quintum ejusdem dogmatis principium trididerunt Martinonus & Rhodius, quod utique in peccato actuall duos sunt, primò quod sit malum morale, contrarium rationi, & quod sit transgressio divinae legis, cognitæ ut talis, quodque duas illæ rationes possint ab invicem separari, unaque fine altera esse. Ita Martinonus dñp. 15. de pecc. scđt. I I. n. 102.

Vvvv 2

Tom. I.

*M*ulti enim (inquit) peccando contra rationem, non cogitant semper de lege divina, negne de Deo. Et n. 115. Contrarieitas ad legem Dei, conceptam ut Dei, non est de essentia & ratione omnis peccati, atque etiam dari potest peccatum (contra rationem utique, seu conscientiam) cum advertentia invincibili ad legem Dei, conceptam ut Dei. Neque due illae rationes (ait sect. 12. n. 117.) contrarieitas scilicet ad rectam rationem, & contrarieitas ad legem Dei, sunt adeo connexae, ut conceptum una concipiatur necessario altera. Similiter Rhodius disp. 1. de pecc. q. 1. sect. 1. in peccato actuali duo reperiuntur, primò quod sit malum morale, quia est recessus à regula. Secundò, quod sit avercio à Deo, & vera ejus offensa. *Qua* dua rationes distincta sunt: cùm una sit altera prior, & illam fundet, possintque invicem separari. Priorem illam peccatio rationem agnoverant Ethnici omnes; posteriorem autem Theologia sola docet. Hinc vero peccatum philosophicum sponte fluere, nemo est qui non videt. Et hinc illud laudati Authores intulerunt.

77 Ista sunt ergo principia, ex quibus derivatum est Divionense de peccato philosophico dogma damnatum. Quod propter horrenda coniectaria inde pullulantia anno 1689. & 1690. quinque denuntiationibus S. Pontifici, Episcopis, Principibus & Magistratibus solemniter denuntiatum, toti orbi tantum incussum horrorem, ut illud Alexander VIII. per decretum editum 24. Augusti 1690. Vaticani fulmine percuserit, ut sequitur: *Sanctissimus D. N. Alexander Papa VIII. non sine magno ani- mi sui morore audivit duas Theses, seu propositiones, unam denuo, & in maiorem animarum perniciem suscipitari; alteram de novo erum- pero.* Et cum sui Pistorialis officii munus sit, oves sibi creditas à noxius pascuis averttere, & ad salutaria semper dirigere, dictarum Thesisum seu propositionum examen pluribus in S. Theologia Magistris, & deinde Eminentissimis DD. Cardinalibus.... sedulo commisit.... Quarum Thesisum secunda est tenoris sequentis: Peccatum philosophicum, seu morale, est actus huma- nus disconveniens natura rationali, & recta- rationi. Theologicum vero, & mortale, est trans- gressio liberadivina legis. Philosophicum, quan- tumvis grave, in illo qui Deum vel ignorat, vel de Deo actu non cogitat, est grave pecca- tum & sed non est offensa Dei, neque peccatum mortale, dissolvens amicitiam Dei, neque eternā pñna dignum.

*Q*uibus peractis, sanctissimus, omnibus plenē & mature consideratis.... secundam Thesisum, seu propositionem, declaravii scandalosam, temerariam, piarum aurium offensivam, & erroneam, & ut talen damnablem & prohiben- dam esse, scitum damnat & prohibet, &c. Eamdem Jesuitæ Parisienses in prima epistola sua, (lex anticè mensibus) declaraverant se detesta- ri, velut hereticam, & velut execrandam im- pietatem.

## C A P U T IX.

*A*ries, subterfugia, equivocationes, cavillatio- nes, quibus damnati dogmatis invidiam de- clinare conati sunt Molino-Philosophista.

**T**am horrenda sunt, quæ ex damnato Phi- 78 losophismo Denuntiator illius derivavit coniectaria, manifestèque demonstravit inde esse coniectaria, ut æquum sit, nedum Philosophismum, sed & principia omnia ipsius, à quocumque sincero veritatis amatore, cordato- que Theologo, damnari simul & abjurari, in te- stimonium sinceri sui in veritatem amoris. Ve- rū puduit nonnullos Philosophistas juniores testimonium istud veritati reddere, Christia- nāque humilitate faceti, se, vel suos, in tra- dendo Philosophismo, principiisque illius, humanum aliquid passos. Quò ergo se verte- runt? Posteaquam animadverterunt Philoso- phismum suum ab Alexandro VIII. damnatum, totique Orbi Christiano invidum; ad decli- nadam ipsius invidiam, negare cœperunt, Philosophismum à se unquam, vel ab ullo è Societe traditum fuisse, ante Divionensem Thesisim. Imò negare ausi sunt, à se, vel suis, tradita principia, ex quibus deducitur. Ve- rū ipsum Philosophismum, & principia ip- sius ab ipsis tradita fuisse, compertum est ex di- cītis capite præcedenti. Deinde ad hypo- 79 thesim metaphysicam confugientes, dixerunt, Philosophismum à suis traditum non fuisse, ut veritatem practicè possibilem, sed ut hy- pothesim metaphysicam. Sed & hujus oppo- situm evidenter demonstratum est n. 61. 64. 65. 67. 74. 75.

Postremò verterunt se ad æquivocationes, 80 cavillationes & subterfugia, per qua in spe- ciem à damnato Philosophismo recedentes, in eo reipsa persisterunt. Quod ideo demonstrandum suscipimus, ut à cavillationibus illis im- posturum abstinentes, tandem aliquando Phi- losophismum revera detestentur. Prima æqui- vocatione fuit, dicere, quod ad formale pec- catum advertentiam malitiæ non requirent actualem, sed virtualem tantum & interpretati- vam. Verū in requirenda actuali reipsa ad- huc persistunt, dum ad virtualem adverten- tiā requirent actualem scrupulum, dubium vel suspicionem de malitia, vel obligatione inquirendi de illa; inculpatamque & à culpa excusantem putant inadvertentiam, incogitan- tiā & inconsiderationem, quando nullus scrupulus, dubium, vel suspicio actualis de illa occurrit. Hoc ipso namque convenienter cum Valsquez, aliisque n. 10. relatis, formalem actualemque malitiæ considerationem sic re- quirituribus, ut contenti sint ejusmodi scrupu- lo, dubio, vel suspicione, ut vidimus ibi- dem.

Secunda æquivocatio fuit circa voces pec- 81 catum formale, offensa Dei, &c. In Thesis nam- que Lovaniensi 17. Julii 1690. ut immunes vi-